

NOVA GODINA – ISTANBUL AVIONOM IZ TUZLE 28.12.2024 – 01.01.2025



Dan 1: Tuzla – Istanbul

Okupljanje putnika na Međunarodnom aerodromu Tuzla minimum 3 sata prije leta, gdje ćemo obaviti sve formalnosti vezane za check-in i pasošku kontrolu. Nakon završetka pasoške kontrole, slijedi ukrcavanje na let prema Istanbulu. Let je direktan i vodi nas prema jednom od najdinamičnijih gradova svijeta – Istanbulu. Po dolasku na aerodrom, organiziran je transfer do hotela. Nakon prijave u hotel slijedi odmor i slobodno vrijeme za individualne aktivnosti. Noćenje.

Dan 2. Istanbul loko, Camlica, Ortakoy

Dobro jutro želi vam **Agencija Hit TOURS iz Tuzle!** Nakon buđenja i opuštajućeg odmora, krećemo na ukusan doručak kako bismo se pripremili za još jedan uzbudljiv dan u Istanbulu. Današnji plan vodi nas prema nekim od najljepših i najpoznatijih lokacija grada, uz puno prilika za druženje i uživanje. U jutarnjim satima polazimo u fascinantnu šetnju kroz povijesni centar grada, otkrivajući njegove najznačajnije znamenitosti. Prvo ćemo obići Hipodrom, nekadašnje središte društvenog života Bizanta, gdje su se održavale konjičke utrke, parade i politički skupovi. Ovdje ćete vidjeti i brojne spomenike, uključujući egipatski obelisk i Zmijski stub. Slijedi obilazak Plave džamije (Sultan Ahmed džamije), jedne od najprepoznatljivijih ikona Istanbula, poznate po svojoj veličanstvenoj arhitekturi i predivnim plavim pločicama koje krase njenu unutrašnjost. Ova imponozantna građevina, sa svojih šest minareta, ne samo da je simbol islamske umjetnosti i povijesti, već i mjesto koje inspirira posjetitelje svojom duhovnom snagom. Dok istražujete njene raskošne prostore, osjetit ćete mir i divljenje prema detaljima koji govore o vještini majstora koji su je gradili.

Ne zaboravite ponijeti maramu za pokrivanje ramena i glave, jer je to znak poštovanja prema ovom svetom mjestu. Pripremite se za nezaboravno iskustvo koje će obogatiti vaše putovanje kroz Istanbul! Nastavljamo našu šetnju pored Aje Sofije, koja je stoljećima bila najvažnija crkva Bizantskog Carstva, zatim džamija u osmanskome periodu, a danas muzej i svjetska kulturna

baština pod zaštitom UNESCO-a. Njena kupola i raskošne unutrašnje dekoracije ostavit će vas bez daha. Zatim ćemo se prošetati uz Topkapi palaču (obilazak vanjskih zidina), koja je bila rezidencija sultana Osmanlijskog Carstva i simbol moći te carstva. Iako ovaj put nećemo ulaziti u kompleks, pogled izvana pruža veličanstven uvid u veličinu i ljepotu ovog historijskog blaga. Nakon obilaska samog središnjeg djela Istanbula vozimo se prema šarmantnoj četvrti Ortaköy, smještenoj neposredno uz obalu Bosfora, poznatoj po jedinstvenoj atmosferi, kaldrmisanim ulicama i Ortaköy džamiji. Ovdje možete uživati u prelijepom pogledu na Bosforski most koji spaja dva kontinenta, a svakako ćemo imati vremena da se počastimo tradicionalnim turskim zalogajem – kumpirom, po kojem je Ortaköy nadaleko poznat! Te nakon slobodnog vremena u Ortaköy polazimo u obilazak Čamlidže – Džamije Çamlıca (Çamlıca Camii). Ova džamija, najveća u Turskoj, oduzima dah svojom arhitekturom i pruža poseban doživljaj mira. Po završetku našeg zajedničkog obilaska, vraćamo se u hotel. Slijedi slobodno vrijeme za individualno istraživanje grada. Nakon dana prepunog doživljaja, vraćamo se u hotel na noćenje i odmor. Ovaj dan je savršena prilika da se svi još bolje upoznamo, razmijenimo dojmove i uživamo u zajedničkim trenucima.

Dan 3: Istanbul – Dnevno krstarenje, Eyup, Pierre Lotti, Taksim I Galata kula

Nakon doručka slijedi odlazak na krstarenje Bosforom tokom kojeg ćemo sa broda vidjeti: Zlatni Rog - najljepši dio Istanbula, Galata most i Galata kulu, Dolmabahçe palatu – posljednje sjedište sultana, Beşiktaş, kvart Ortaköy, Arnavutköy, Rumeli hisar - čuvenu vizantijsku tvrđavu, Jedi kule (sedamkula), Djevojačku kulu... Nakon krstarenja odlazak u čuveni kvart Ejup o kome u svome „Istanbulu“ Orhan Pamuk piše kao o „malom i savršenom selu na kraju Zlatnog roga“ koje mu „ne izgleda stvarno, već uvijek kao priviđenje“ a gdje se nalazi čuvena Ejupova džamija kao i turbe Mehmed paše Sokolovića. Dolazak i do vidikovca Pierre Loti odakle se pruža predivan pogled na Zlatni rog. Nakon vidikovca obilazak dva živopisna naselja Fener i Balat. Ove dvije četvrti predstavljaju spoj različitih religijskih i etničkih zajednica koje su ovdje živjele, čineći ih jednim od najraznolikijih dijelova Istanbula. Fener i Balat su poznati po svojim predivnim, šarenim kućama, uskim kaldrmisanim ulicama i očuvanim starim građevinama koje odišu duhom prošlih vremena. U posljednje vrijeme ove četvrti postaju popularne među turistima zbog autentičnog ambijenta, kulturno-istorijskih znamenitosti i opuštene atmosfere. Odlazak do trga Taksim i Galata tornja.

Nakon šetnje, krećemo prema impresivnoj Galata Kuli, jednoj od najstarijih i najprepoznatljivijih građevina u Istanbulu. Ova srednjovjekovna kula pruža panoramski pogled na cijeli grad – Bosfor, Zlatni rog, pa sve do azijske obale. Penjanje na vrh kule prava je avantura, a pogled s visine ostavlja vas bez daha! Dok se divimo prizoru, osjetit ćete čaroliju prošlih vremena, kao da stojimo na spoju stoljeća i kultura.

Nakon obilaska, vraćamo se u hotel. Imat ćete slobodno vrijeme za individualne aktivnosti, istraživanje ili jednostavno uživanje u turskoj kafi u jednom od lokalnih kafića. Noćenje.

4. DAN, 31.12.2024. utorak- ISTANBUL

Posljednji dan u Istanbulu pruža vam potpunu slobodu! Nakon doručka, dan je posvećen vama – uživajte u istraživanju ovog nevjerojatnog grada na svoj način, vlastitim tempom. Bez planova, bez ograničenja – samo vi i čarobni Istanbul! Ovaj grad, gdje se Europa susreće s Azijom, otvara vam beskonačne mogućnosti. Možda ćete poželjeti još jednom prošetati Istiklal ulicom, uživati u šopingu ili zaviriti u skrivene kutke Kapali čaršije, dok tražite autentične suvenire. Ako ste ljubitelj historije, možda ćete se vratiti znamenitostima kao što su Plava džamija i Aja Sofija, gdje svaki kamen priča priču o slavnoj prošlosti.

Za one željne odmora, preporučujemo uživanje u turskoj kafi ili čaju u jednom od kafića sa predivnim pogledom na Bosfor, dok gledate kako brodovi tiho prolaze. Možda je pravi trenutak i za posjet jednom od mnogih turskih hamama, gdje možete doživjeti autentično iskustvo opuštanja i revitalizacije tijela i duha.

Ne zaboravite istražiti i manje poznate dijelove grada, poput boemskih četvrti Karaköy ili Balat, poznatih po šarenim kućama, umjetničkim galerijama i malim autentičnim restoranima. Ove četvrti otkrivaju drugačiju stranu Istanbula – onu koja živi u ritmu umjetnosti, kreativnosti i boemskog duha. Individualna proslava Nove godine na trgovima ili mogućnost organiziranog dočeka Nove godine na brodu uz doplatu. Individualni povratak u hotel. Noćenje.

5. DAN 01.01.25 ISTANBUL

Dan 5: Naš posljednji dan u Istanbulu je pred nama. Nakon ranog doručka, odmah se pripremamo za transfer do aerodroma Sabiha Gökçen. Naš let prema Tuzli je planiran za 12:35, a dolazak na Aerodrom Tuzla očekujemo oko 12:40.

Ovim danom zatvaramo jedno predivno poglavlje, no vrata su uvijek otvorena za nove avanture. Zahvaljujemo vam na povjerenju i što ste nam omogućili da zajedno s vama doživimo čaroliju Istanbula.

CIJENA ARANŽMANA: 949,00 KM

Uključeno/nije uključeno

Let i aerodromske takse na relaciji Tuzla – Istanbul -Tuzla

Prtljaga 1 torba težine 20 kg, plus ručni prtljag 8 kg

Uključeni su transferi od aerodroma do hotela i povratak na aerodrom, osiguravajući vam udobnost i bezbrižnost tokom vašeg putovanja

Smještaj u jednokrevetnim, dvokrevetnim, trokrevetnim ili četverokrevetnim sobama po vašoj želji, na bazi 4 noćenja sa doručkom u oblasti Laleli

Pratioc grupe

Troškovi organizacije i realizacije putovanja

PDV

Doplata za jednokrevetnu sobu: 280 KM

Ulaznice za muzeje i kulturno-historijske spomenike

Izleti i posjete su na dobrovoljnoj bazi i iste se plaćaju predstavniku agencije

Izlet (2. dan) Čamlidža džamija i Ortakoy i Istanbul loko –lokalni turistički vodič) – 30 €

Izlet (3. dan). Dnevno krstarenje, Eyup, Pierre Lotti, Taksim i Galata – 50 € (lokalni turistički vodič)

Doplata za organizirani doček Nove godine na brodu (zakuska, predjelo, glavno jelo, salata, voće i deserti, bezalkoholna i domaća alkoholna pića)- cijena će biti naknadno objavljena (na opciji više brodova, sa cijenama od 120€ do 180€ po osobi)

Posebna ponuda: Kupi paket svih fakultativa pod nazivom "Istanbul avantura" i dobijaš popust od 10% na ukupnu cijenu fakultativnih izleta doček nove godine na brodu nije uključen u ovu ponudu.

Dodatni sadržaji i troškovi koji nisu predviđeni programom, kao i troškovi osobne prirode (piće, dodatni obroci, telefon, karte za javni gradski prijevoz itd.)

Putno zdravstveno osiguranje: 16,00 KM za osobe mlađe od 59,99 godina, odnosno 32 KM za osobe starije od 59,99 godina

Djeca: Obavještavamo vas da na navedenom aranžmanu nije predviđen popust za djecu.

Cijene su jedinstvene za sve putnike.